

хэни, дихава гадёхани. Ундини: „Гэ, пиктэи! Эси ихамба гагоари.“

Марья агдахани, нучикэндюэн-дэ хэмтудиэри агдахачи. Марьяди, даниндиачи базарчи ихамба гангдагоари баргичихачи. Нимкэнду би эктэвэ нучикэндюэнди гэсэ бигуэни намбичахачи, мапа Захарба-тани мэндиэри гэсэ ихамба сондёгоани намбичихачи.

Хотончи энэхэчи. Нучикэндюэн сиун токон эримбэ сияхачи, тотара ихамба гадёйвачи эручэндэмэри нехэчи.

Нучикэндюэн мэнэ дола пэргэчилухэчи: ихан хони бойкоку бигилэйни—сулэ бигилэйни-ну, сахарин-ка бигилэйни-ну. Хони-да сиавангилайвари гисурэндулухэчи. Нёанчи ине тиап халачихачи. Ихамба ачандамари эм верстадоа горочи энэхэчи, пакчиранголохани, тотара хамаси мочогохачи. Олокиана ичэйчи: гиандола данинчи сэденди дидюйни. Сэден хамиа нириани холдондоани алха ихан дуэрэйни. Ихамба хуелэни уюхэчи бичин. Хамила энинчи дидюйни, урэктэди ихамба пунгнэчини.

Нучикэндюэн пагдиалахачи, ихамба ичэде-хэчи. Хлебэвэ, нядяхава гадёхачи, ихамба сиаван-кичи. Энинчи дёкчи игухэни, тэтуэи ачогохани, то-тара пункувэ, алиова дяпара, тулиэчи негухэни. Нёани ихан пэгиэлэни тэхэни, ихан кумбэни хаохани. Ихамби кумбэни сиричилохани. Хони-да